



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Domus Æternitatis Damnatae

Dirckinck, Johann

Coloniae Agrippinae, 1713

Consideratio I. Domus damnatae æternitatis.

[urn:nbn:de:hbz:466:1-50700](https://nbn-resolving.org/urn:nbn:de:hbz:466:1-50700)

CONSIDERATIO I.

*Domus damnatae aternitatis.**Infernus domus mea est. Job. c. 17. 13*1. *Julii.*

1. **C**ONsidera unumquemque hominem, post mortem in eam aternitatis domum migrare, quam in hac vita promeruerit? justus enim in justitia perseverans, ducitur ab Angelo suo, in solam domum beatitudinis aternae, valde pulchram, ac bonam; quam non est melior ulla. *Tria sunt, inquit Augustinus, quibus non sunt in hoc mundo meliora: anima sancta in bonis operibus perseverans, quam pauciores speciosior est sole; & sancti Angeli, qui eorum suscipiunt; & paradysus in quem ducitur.* l. de salut. docum. Et de hoc egimus par. fol. re 2. Est autem & alia domus aternitatis in quam peccator, sceleribus immortuus a Diabolo abripitur: *Dua quippe habitaciones sunt, una in igne aeterno, alia in igne aeterno.* Idem ser. de verb. Ap. Videtur enim ignea ista habitatio, summè acerta ac mala est, quam non deterior ulla: talem

eode

eodem Præsule l. cit. *Tria etiam sunt in hoc mundo, deteriora omni malo! anima peccatoris in peccato perseverans, quæ nigrior corvo est: & mali Angeli qui eam rapiunt, & infernus in quem ducitur. Ac de hac infelici domo, malisque ejus extremis, deinceps meditabimur.*

II. Perpende igitur, quæ qualisve sit hæc domus: & invenies, adeò esse malam, miseram atque horrendam; ut vel solo ejus audito nomine, meritò totis artubus contremiscas: est enim carcer perpetuus, innumeris & incredibilibus suppliciis refertus; quibus & Dæmones & homines sine fine torquentur: est exilium, quò à patria cælesti, quàm longissimè remotum, & quotquot in illud amandantur, carent omnibus bonis, quæcunque ad solatium suum possent optare: tolerant tamen verò mala, quæcunque possent timere. Verò, est domus, in quam simul & febunt omnia mala, malæ domûs confluent: ut labor, dolor, fames, sitis, discordia, penuria, fumes, morbus, mors; quæ certis considerationibus sequentibus expendemus; in hac autem nonnullas duntaxat

8 *Domus eternitatis Consideratio*
malas ejus qualitates, scilicet, quòd sit
subterranea, infamis, obscura, angusta,
sordida ac perpetua, considerabimus. C
mala domus, seu veriùs, carcer pessimus.
O malum, omnis boni exilium & exci-
dium! O malum, omnis mali excogitabi-
lis barathrum! quis à te non abhorreat!

III. Verùm ubinam hæc mala domu
locata est? An extra mundum, ut sensu
Chrylostomus. Hom. 31. in epist. ad
Rom. c. 16.? Non: nisi intellexerit ex-
tra mundum, quà patet oculis nostris
domus enim damnatorum, est in terra &
sub terra; ideòque dicitur *subterranea*
ac profunda, ab initio mundi, à justiti-
divina, ad vindictam scelerum, in terra
cento ædificata, ac *parata diabolo* & an-
gelis ejus, Matth. c. 25. Hinc S. Hiero-
nymus in cap. 2. Jonæ scribit: *Infernum*
esse in medio terra, sicut cor est in medi-
animalis. Et S. Augustinus l. de gen. a-
lit. ait: *Sub terris dicuntur inferi, ut*
creduntur: & inferi, eò quòd infra sint
latinè appellantur. In hanc autem sub-
terraneam inferorum domum, à morte
impiorum animæ, & post extremum ju-

dicium

dicium, etiam corpora detruduntur, non secus, ac rebelles isti, de quibus numer. c. 16. 32. legimus: *Dirupta est terra sub pedibus eorum; Et aperiens os suum devoravit eos, descenderuntque vivi in infernum, aperti humo. O descensus horrendus!*

Amica monitio.

O Anima peccatrix hæc domus pessima, nisi resipiscas, te expectat: in hoc exilium, in hoc barathrum subterraneum, amandaberis. Vide, obsecro, quæ tuæ hæctenus extiterit cæcitas; vide, quam detestandus sit libertatis tuæ abusus; quæ in tam lamentabilem servitutem, pœnamque definit. Ah! audi, quæso, paterne monentem Augustinum. *Cogita quomodo tremes, si tibi quis calumniatur, ne mittaris in carcerem: Et tu ipse contra te, male vivis, ut mittaris in ignem. Contremiscis, conturbaris, pallefcis, ad ecclesiam curris, ad Episcopi pedes volutaris. Quaris ille, quare? Domine, concutior, Domine in carcerem mittor, miserebere mei, libera me. Ecce quomodo time-*

10 *Domus aternitatis Consideratio*
tur carcer, quomodo timetur inclusio; &
non timetur gehenna exustio. ser. 18. de
verb. Ap. O peccator! nonne & hoc in
te cadit? pœnam temporalem times,
æternam non times. Aperi igitur oculo-
los, errorem agnosce, pœnitentiam age,
ne & tu venias in hanc domum tormen-
torum: in qua est extrema calamitas, om-
nium dolorum acerbitas, ac pœnarum
omnium æternitas.

ORATIO.

Considerationi indies subjungenda.

Domine JESU, qui habes claves
mortis & inferni. * Te supplices ex-
oramus; ut ope gratiæ tuæ, damnatam
damnatorum æternitatem, ac tormen-
torum ejus atrocitatem; ita cordibus no-
stris imprimamus, memoriâ recolamus,
intellectu consideremus, voluntate aver-
semur & refugiamus; ne unquam in eam
incidamus. Qui vivis & regnas, in sæcu-
la sæculorum, Amen. * Apoc. c. 1. 18.

2. Julii.

I. **P**erpendendum deinde est, domum
æternitatis damnatæ, omnino vi-

lem

lem esse atque infamem; est enim in infimo, abjectissimoque terræ loco constructa, tanquam feralis hominum facinorosorum cavea; est terra diabolicorum ac lucifugerum monstrorum spelunca. Est probrosa superbiorum, avarorum, luxuriosorum; magorum, veneficorum, furum, latronum, aliorumque scelestorum reorum custodia. Quemadmodum enim sedes beatorum, qui chari & obedientes Dei filii extiterunt, in summo ac nobilissimo loco collocata est: ita habitatio reprobiorum, qui fuerunt servi nequam, & refractarii, libertate suâ abusi, Deique mandata prævaricati, factis clamantes, quod obedire & servire nolint: *Dixisti non serviam.* Jerem. c. 2. Hæc inquam, merito in imo, ac vilissimo loco constituta est: ut ibidem, ad temeritatem tantam castigandam, tanquam rebelles ligentur, & in ergastulum compingantur: siquidem *Congregabuntur in congregatione unius fascis in lacum; & claudentur ibi in carcere.* Isaia c. 24. 22.

II. Domus illa maledicta Dei rebellium, est quoque obscura, & tenebrosa;

12 *Domus eternitatis Consideratio*
caligine plùs quàm Ægyptiacâ repleta
unde maxima illis oritur molestia. In-
fans in tenebricoso carcere natus, ludit,
lætatur, jocatur, quia quid sit lux igno-
rat; mater autem, cui lucis suavitas nota
fuit, mœret & lamentatur tristis: ita quo-
que manes damnati, lucis amœnitatem
experti, de ejus carentia, summè dolent
in antro illo tartareo; in quo ignis qui-
dem ardet, sed non lucet; fumat; non il-
luminat; urit non recreat: ac proinde et
illo exulat omnis lætitia, omnis recrea-
tio, ac simul spes omnis redeundi ali-
quando ad solem & cælum. Ex adverso
autem regnat ibi angor, pavor, stupor,
horror, luctus, planctus, omniumque
malorum coacervatio. Et tamen, pro
dolor! illuc peccatores innumeri, quasi
oculis clausis ludibundi properant. O
cæcitas humana! *Via peccantium com-
planata lapidibus*, id est, initio videtur
concinna, pulchra & amœna, perinde
ac si *lapidibus* planis esset strata & com-
planata: at postmodum apparet aspera,
tristis & horrida: *Sed in fine illorum infe-
ri tenebra, & pœna.* Eccli. c. 21. 11.

III. Domus infernalis est etiam *angusta*: quæ quidem sufficiens est ad capienda omnia, sine penetratione, damnatorum corpora: ut ex iis constat, quæ S. Johannes Apoc. c. 14. refert *de lacu excurrente ad stadia mille sexcenta*, id est ad ducenta milliaria italica, quod est spatium tantum, quantum est Româ Bononiam, vel Bruxellis Parisios (quem locum de spatio inferni explicant Interpretes) Et si huic longitudini, cum proportionem accedat latitudo, & profunditas, secundum verba Isaiaë c. 30. 33. *Topheth, sive gehenna preparata, profunda, dilatata*: facilè innumeros hominum milliores capiet: & tamen est domus angusta, arctusque carcer, propter incredibilem damnatorum multitudinem: qui velut cadavera in sepulchris, velut uvæ in torculari, velut haleces in orca; velut lateres in fornace, velut ligna in rogo, velut prunæ in ignitabulo, aut velut oves jugulatae jacent in macello. *Velut oves in inferno positi sunt, mors depascet eos.* psal. 48. 15. O quæ carceris & cordis angustia!

Paranesis seu adhortatio.

O Peccator ! fili tenebrarum , rebellis
 lumini , voluptatis & libertatis no-
 xia amator insane : qui hactenus assuetus
 es amplis domiciliis ; assuetus iussa dare
 aliis ; assuetus circumvagari pro libitu
 assuetus vivere tuo arbitrio , vel ingratus
 Dei tui : ô qualis tibi crux erit & molestia
 ubi carceri huic tartareo , instar sepulchri
 arcto , inclusus fueris ! Tunc vœ tibi !
 Quare tibi nunc prospice , ama deinceps
 lucem , dilige honestatem , nimiam re-
 stringe libertatem , corruptos exue mores
 ne aliquando ligatis manibus & pedibus
 mittaris in caveam hanc vilem , infamem , ho-
 angustam ac tenebrosam ; in qua jacere co-
 cogaris in æternum , velut later inter la-
 teres , velut ovis ingetata inter oves , ve-
 lut pruna inter prunas ; velut palea inter ne-
 paleas , semper arsuras ; de quibus Christi da-
 Præcursor Lucæ c. 3. 17. *paleas autem cit-
 cembur et igni inextinguibili.*

3. Julii.

I. **C**onsidera ulterius , quàm *fosda* & *ap-
 sordida* sit reproborum domus ! *est*

est enim ergastulum hoc stygium, quasi
 vasta quædam Cloaca, quam S. Joannes
 Apoc. c. 20. 9. appellat *stagnum*: est ve-
 lut ingens palus, omni fæce, uligine,
 sorde, ac spurcitiè referta, utpote in
 quam, tanquam in sentinam, omnis
 mundi colluvies defluit atque descendit.
 Ac proinde tanta est ejus fœditas, ut illius
 intuitu, omnes porcorum haræ, omnes
 canum foveæ, omnes omnium reorum
 custodiæ, regia censeriqueant palatia.
 Carcer tuus; ô Daniel! licet inter leones,
 hortus fuit deliciarum. Carcer tuus, ô
 Joannes Baptista! amœnum fuit virida-
 rium. Carcer tuus ô Petre & Paule! licet
 horridus, & è magnis Saxis sibi impositis
 constructus, jucundus fuit paradisus; si
 cum carcere stygio componatur.

II. Perpende & alias tartareæ spelu-
 nceæ malignas qualitates: est enim *squali-
 da, tetra, lurida*, pavore & horrore or-
 cino plena. Horrendi, olim apud vete-
 res carceres, & foveæ subterraneæ exti-
 tere, ut apud Romanos, Tullianum;
 apud Athenienses barathrum, apud Per-
 sas lethe, apud alios aliæ à Tyrannis con-
 structæ

structæ reorum custodiae , plenæ stygi
 horroris ac fœtoris , omni cruciatuum
 genere adeò infames , ut in iis mors inter
 delicias numeraretur. Verùm quid cum
 cta hæc ad carcerem infernalem, igneum
 flammisque plenum ? ubinam terrarum
 igneum vidisti carcerem ? Et hic reperit
 tur in regione umbræ mortis: estque ha
 bitaculum Cacodæmonum , regia Luci
 feri ; cuius portæ peccatorum illecebræ
 tapetes tenebræ lecti ignes; mensæ carbo
 num congeries , cibus fames , potus sitis
 horologium ululatus , ordo , chaos con
 fusionis & perturbationis perpetuæ.

III. Demùm, hæc dæmonum, homi
 nūmque damnatorum mansio est *perpe
 tua*: est enim *Domus aternitatis*. l. c. quæ
 adeò firma est, ut nullâ ratione destrui va
 leat: non enim corruere potest , non
 effringi , non à ventis subverti , non à
 hominibus suffodi , non à vermibus cor
 rodi , non vetustate collabascere ; sed
cum terra in aeternum stat , ac perdurat
 æternis undique seris , claustris , clathris
 ac repagulis firmata , & obserata , cui su
 perne imminet appressum iræ Dei sigil
 lum

lum. Deinde domus hæc, montibus, rupibus, ingentibusque terrarum spatiis, velut montibus ac vallis est circumsepta, ac proinde exitum nescit, mortem excludit, finem nullum admittit, solatium ac lenimen nullum, nullum, eheu! nullum. Quia in inferno nulla est redemptio, nec ulla captivorum liberatio, aut permutatio; sed fumus tormentorum illorum ascendit in sæcula sæculorum. Quisquis iis immergitur, emergit nunquam. *Quisquis enim ad tormenta illa ibit, jam non amplius exibit.* S. Aug. L. de spir. & an.

Affectus timoris & horroris.

O Anime mi! quis sibi à peccato lethali non caveat? ne in hoc stagnum, in hanc paludem, in hanc sentinam foetidam, in hoc abominabile speleum decidat? Quis momentaneâ voluptate tantam calamitatem emat? Quis pro peculio aliquo, pro prædio, pro agro, pro domo rapta, aut injustè acquisita, brevique deserenda, domum adeò tetram, luridam, squalidam, sordidam, in perpetuum incolendam eligat? O regio

gio

18 *Domus aternitatis Consideratio*
gio calamitosa summè cavenda! O terra
cavea, foveaque detestanda quis à te non
abhorreat? *O regio dura & gravis, regio*
extimescenda, regio fugienda, terra obli-
vionis, terra afflictionis, terra miseria-
rum, in qua nullus ordo, sed sempiternus
horror inhabitat. Totus horreo & con-
tremisco, dum te considero. S. Bern, ser-
de 5. regionibus.

CONSIDERATIO II.

Locus tormentorum damnatæ
æternitatis.

Ne & ipsi veniant in hunc locum tor-
mentorum, Lucæ c. 16. 28.

4. Julii.

I. **C**onsideranda est singularis Spiritus Sancti charitas, & benevo-
lencia, qui ut nos magis, magisque à do-
mo maledictæ æternitatis absterreret, in
sacris paginis, aliis atque aliis nominibus
& symbolis eandem adumbravit: nunc
enim gehennam appellat, nunc puteum
abyssi, nunc locum tormentorum. Per-
pendamus singula, ut ea toto corde aver-
semur.